

## **SINLAI - 6**

### **HOTDAMNA DIA BAPTISMA POIMOH HIAM?**

**Thumapi:** Tulai in mi a sahhomi thei mahmah ua, sum-le-pai, tha-le-zung it lou a, a hinna uh leng it lou in asak-akhang a Pathian thu gen a vak a, khukdin a thum khovak hilhial bang a tamta hi. Huchih nung in leng, hotdamna dia Khris thupiakte i zuih khak kei leh hotdamna tan khaklough theih ahih dan i mu (Matthai 7:21-23). Kornelia sahhomi mahmah khat ahi (Nasepte10:1-8). Himahleh hotdam ahi kei. Hotdam a a omna di'n Tanchinhoih genpih ding in Peter akiang a sawl in a om (Nasepte10:30-33; 11:13-14).

Huaiziakin eimah kigintakna mai bangmah ahi kei chih i mu. Mual suan theihna khop ginna nei in, migentheite vakna ding in ka sum tengteng pe vek in, ka pumpi leng kangtum ding in pe vek mah le'ng, itna ka neih kei leh athawn ahi (I Kor. 13:1-3). Huaiziakin, hiaite tengteng a gensiat bei a om nung in leng, hiai itna taksap theih ahi lai hi. Hiai itna tuh thumanna ahi (Johan 14:15; I Johan 2:3-5). Jesu Khris tuh a si a, vui in a om a, Pathian in misi lak a kipan a kaithou chih tuh khristiante ginna kingakna ahi a, a thohnawna tuh i ginsan ahi (I Kor. 15:14-19).

Huaiziakin, khelhna silsiangna dia khros a a sisan hong suahna, a sihna leh a thohnawna kikoppih theihna baptisma (Rome 6:3-5) tuh Pathian in mihingte a hotdam theihna dia a thilgelte lak a khat in a pang chih a langchian mahmah hi. Baptisma toh kisai Laisiangthou in agen, a poimohte i en ding.

#### **I. BAPTISMA TANG THEI DINGTE:**

Laisiangthou dungzui in baptisma tang thei ding kum-chiam a om kei; himahleh, baptisma tan ma a neih masak ngeingei ding a hon phuut thil thumte tuh:

1. Ginna (Nasepte 8:36-37; Marka 16:16)
2. Khelhna Paisate Kisikna (Nasepte 2:38; 17:30)
3. Khris Ginna Puanna (Nasepte 8:37; Rome 10:9-10) ahi uh.

**Theih ding:** Gingu kisik a, Jesu Khris a ginna puangte'n baptisma a tang thei ding uh. Naupang in ginna a nei thei kei a, ginna puan ding leng a nei kei a, kisik ding khelhna leng a nei kei (Matthai 19:14; Marka 10:13-16; Luka 18:15-17). Dan a a tatek theih nai louh zia un (I Johan 3:4). Huaiziakin naupang kothelou baptisma tansak kichi tuh Pathian dan a tatekna ahi (2 Johan 9).

#### **II. BAPTISMA KICHI BANG AHIA?**

Ephesate 4:5 ah "Baptisma khat kia a om" achi. Baptisma tuamtuam; Johan baptisma, Khasiangthou baptisma leh adang-dang na-na om mahleh hiai Ephesate gelh a om hun (AD 62/63) vel in (Khristian Hun kipat nung in) hotdamna ding toh kisai in "khat kia" a om chih i thei hi. Hiai baptisma khat tuh banghibang hi hiam i en ding.

- a) Baptisma hilhchetna hoihipen tuh "vui", "phum" chihna ahi.
1. Rome 6:4 in "Baptisma a amah toh vui na hi uh" a chi.
  2. Kolossa 2:12 in "Baptisma a amah toh vui a om in" achi.

b) Bangziak a baptisma a vui ngai hiam i chih leh Khris sihna, vui a omna leh a thohnawwna chiinna (symbol) ahih ziak in.

1. Rome 6:3-5 in Khris Jesu a baptisma tang sa khempeuh, a sihna kibatpih dia a kivuina a kivui a, a thohnawwna kibatpih a thounawn achi hi. Kituiphum louite a thohnawwna kibatpih in a thounawn thei kei (Rome 6:5).

**Theih ding:** Baptisma phum (vui) a i tan kei leh “A kivuina kibatpih a baptisma a vui na hi uh” a chih zuih louh kia hilouin, “A thohnawwna kibatpih a thohnawwna” achi pen leng i zui kha kei hi. Huaiziakin baptisma khat Ephesa 4:5 in a gen tuh Jesu Khris sihna, vui a omna leh a thohnawna chiinna a “tuiphum” ahi. Roman Catholic-te’n A.D. 1311 a Ravena Khawmpi a zat theih ding a thu hon sukpuuk ua pan “tuitaak” leh “tuibuah” baptisma tan (phum) taang a hong kizang phet ahi. Mihing dan bawltawmte chihlouh Laisiangthou ah “phum” loungal i mu kei.

2. Kolossa 2:12 ah “Baptisma a amah toh vui na hita ngal ua, huai mah ah misi lak a kipan a Pathian nasep gintak ziak in amah toh kaihtoh na hi uh” achi hi.

### III. BANGHUN A BAPTISMA TANG DING?

1. Jesu Khris tuh Pathian tapa ahi a, ka khelhnate ziak in a si a, vui in a om a, Laisiangthou gen bang in ni thum ni’n a thounawn chih gintak a;
2. Tuni tan a Pathian hotdamna na-na sanglou a, mikhial a na om ahih dan leh a khelhna dangdangte kisik a (tawpsan nopna lungsim nei a);
3. Jesu Khris tuh Pathian Tapa ahi ngei chi a ginna puang sa peuhmahte’n baptisma a tan pah ding ahi (Nasepte 8:35-39)

**Theih ding:** Laisiangthou a i muh piangthakte’n ginna a neih zoh phet chiang un, zingchiang in, kaal nawn chiang in, kha nawn chiang in, kum nawn chiang in chi se lou in baptisma a tang pahpah uh (Nasepte 16:33). Zingchiang leng amau adia tung nawn lou thei ahih ziak in (Jakob 4:13-17).

### IV. KOIMUN A BAPTISMA TAN DING AHIA?

Thukhun Thak baptisma tuh phum, vui (Kol. 2:12; Rome 6:3-5) ahih ziak in baptisma tuh ‘tui tamna’ mun a tan a ngai (Johan 3:23). Khenkhatte’n tui sese a va kiphum a ngai kei; lungsim a ei ngaihndan thu ahi chi uh.

Himahleh Laisiangthou a baptisma tuh tui a phum(vui) teekteek ahih dan hiai anuai a Laisiangthou tang nihte kia in leng a genchian hi: “En dih, hiai ah TUI a om, baptisma ka tan na ding bang in a hon daal khol a ahia?” (Nasepte 8:36). “Peter in a phuang a, baptis na ding in TUI ZAT kua’n a kham thei dia?” (Nasepte 10:47).

Huaiziakin Laisiangthou gen bang a baptisma tang di’n tuh: A tangsaktu ding leh a tangtu ding tui lak a a paikhawm suk ua, a kibaptis (phum) ua, tui apat hong pawtkhiak nawn a ngai (Nasepte 8:38-39).

### V. BANGZIAK A BAPTISMA TAN DING AHIA?

1. Jesu Khris sisan in khelhnate hon silsiangsak theihna di’n (Nasepte 22:16).
2. Khelhna ngaihdamna di’n (Nasepte 2:38).

3. Pathian gam a lutna dia gingta a baptisma tan (Tui leh Kha a suahtak) ding ahi (Johan 3:3-5).
4. Khasiangthou tanna di'n (Nasepte 2:38).
5. Khris a kithopna di'n (Galatia 3:27).
6. Hotdam a om theihna dia gingta a baptisma tan ding (Marka 16:16; I Peter 3:20-21).

**Theih ding:** Pa leh Tapa leh Khasiangthou min in na kituiphum himah lechin hiai atung a apoimoh kigente ziak hilou, Laisiangthou a tuang loupi Dan zohkimna, zi hiam pasal hiam neih ding ziak, hotdam hih kitheihchianna hiam. chiamtehna hiam lel a na kituiphum na hih in tuh Laisiangthou a 'baptisma khat' achih ahi kha kei. Na kisukdik a ngai (Nasepte 19:1-5)

## VI. KUA'N BAPTISMA TANGSAK DING?

Jesu han apan a thohnawn nung in "Lei leh Van a thuneihna tengteng ka kiang a piak ahita" a chi (Matthai 28:18). Huaiziakin khovel teng a pai a nam teng kiang a Tanchinhoih hilh a, a gingtate Pa leh Tapa leh Khasiangthou min a baptis ding thu a nungzuite a pia (Matthai 28:19; Marka 16:15-16). Huchi bang a baptisma na tangsate kiang ah, 'nou kiang a ko'n thupiak bangbang: Tanchinhoih gen leh baptisma tansakte sunzom tou zel ding in thu hilh un' achi (Matthai 28:20 English en in).

Huan, Peter in khristian tengteng "Kumpi Siampute" (Nou-le-nou kithoih thei, Pathian kiang a thumna nei thei) na hita uh achi (I Peter 2:9; 2:5). Khristiante tuh kumpi siampute ahi chih i theih nung in, Jesu'n baptisma tangsak a, siampu nasep sem thei ding in, thuneihna a hon pia chih i theih nung in, Laisiangthou a tuang pen khuul in, a tuang loupi, pastorte kia in baptisma a tansak ding ahi chih adik kei (Marka 7:6-8). Baptisma tangsak theilou khristian tuh khristian taklou, alem chihna ahi a, Tanchinhoih na-ngawn gen a siang kei. Tanchinhoih genteite tuh baptisma leng pe theite ahi uh (Matthai 28:19).

Huaiziakin, a gingta a khelh ngaihdamna dia baptisma tang sa, khristian hi sa (Pathian hotdamna huang a lut sa) peuhmahte'n Laisiangthou dungzui in baptisma a tangsak thei hi. Himahleh Thukhun Lui hun a siampu chi Levi numeite'n siampu nna a seplouh mah bang un Thukhun Thak ah leng hiai siampu nna baptisma tansak leh biakna kikhopna a thugen numeite ading ahi kei. (I Korinth 14:33-34).

**Theih ding:** Ephesa 2:8-9 a "Hehpihna ziak a ginna a hotdam na hi ngal ua, huai leng noumau a suak ahi kei; huchi lou in zaw mi'n a suang kha ding uh" a chihna, Ephesa saptuamte leh a chipa Paul mahmah in leng, hiai Khris baptisma a tang uhi (Nasepte 9:18; 19:1-5).

Ginna kia in hon hondam Laisiangthou in achi kei a, baptisma kia in leng hon hondam achi kei a, a pankhawm chiang un hotdamna ahi achi zaw hi (Marka 16:16). Suangthu thum poukhawm hilhelte lak ah hiai mahmah ahi a poimoh pen va chih tuam diing a om kei a, a thum a a pankhawm kei uleh phattuumna bei ahiah bang mah ahi. Khenkhatte'n baptisma tuh tan ngeingei ding mah ahi a, hileh leng ginna amasa zaw ahizhiakin ginna mahmah ahi a poimoh pen achi uh. Baptisma tan ma a ginna masazaw ding ahi chih Laisiangthou in hon hilh ziak in i pom uh.

Himahleh, amasazaw ahihhangin a poimoh pen chihna ahi tuan kei. Ginna kia in hon hotdam theih tuan louh ziak in (Jakob 2:14). Suangthu thum kiputte lak ah phuh masak a om

pen a poimoh pen chihna ahi kei; khat kia a beel a kisan theih louh zia in. Khenkhatte'n lah baptisma gengen a ngai kei; mi'n ginna a neih phot leh hon tang ngeingei na ding uh achi uh. Gen ngai lou, theih masak ngai lou hileh Laisiangthou in hichi tuk in a gen uang kei ding a; a poimohna aziak-asan thei lou a baptisma tan leng phattuumna bei ahi. Ginna nei napi a aban i sawn kei leh, khristian hihlauh theih ahih chih leng Laisiangthou etsakna i mu hi. (Nasepte 26:27-28).

Huaiziakin, hondamtu tuh Jesu Khris ahi a, hotdamna ding a a thupiak bang a gingta a, baptisma i tan Chiang in hotdamna hon pia ahi zaw (Marka 16:16). "Na lak ua Khris a baptisma tang peuhmah Khris in na kithuamta uh" achi (Galatia 3:27). Khris tuh hondamtu ahi achih zia in Khris a kithuamte, hotdam a om chihna ahi; Khris a hon kithuamsaktu baptisma ahi ngal a. "Nou non it uleh ka thupiakte na zui ding uh" (Johan 14:15). A thupiakte zui loup i amah ka thei chi mi tuh mi-zuauthei ahi; amah ah thutak a om kei hi (I Johan 2:4-5).

---

## SINLAI 6-NA ETKHIAKNA

1. Nasepte 10:2 sim inla, Kornelia sahhomiit dan point 4 gen in.
  - i) \_\_\_\_\_
  - ii) \_\_\_\_\_
  - iii) \_\_\_\_\_
  - iv) \_\_\_\_\_
2. Kornelia sahhomi mahmah hinapi hotdam ahiah louh dan genna Laisiangthou tang gelh in. \_\_\_\_\_
3. Paul in “mualsuan theihna khop ginna nei in, migen-theite vakna ding in ka sum tengteng pe vek in, ka pumpi leng kang ding in pe vek mah le’ng” bang ahia ka neih kei leh athawn ahiah achih? (I Kor 13:2-3)  
\_\_\_\_\_
4. Laisiangthou in itna ahiah chih bang ahiah? (Johan 14:15)  
\_\_\_\_\_  
\_\_\_\_\_
5. Baptisma tangte’n Khris hihna/omdan bang teng ahiah kikoppih Paul in ahiah chiah? (Rome 6:3-5; Kol. 2:12)  
\_\_\_\_\_  
\_\_\_\_\_
6. Kum bangzah phak Chiang ahiah baptisma tang ding ahiah?  
\_\_\_\_\_  
\_\_\_\_\_
7. Baptisma tan ma ahiah hihbukim masak ngeingei ding hotdamna kalbi thum gen in.
  - i) \_\_\_\_\_
  - ii) \_\_\_\_\_
  - iii) \_\_\_\_\_
8. Naupang baptisma tansak ahiah siang hiah, sianglou? Bangziakin?  
\_\_\_\_\_  
\_\_\_\_\_
9. Baptisma hihchetna hoihipen bang ahiah?  
\_\_\_\_\_  
\_\_\_\_\_
10. Baptisma phum (vui) hi ngal ahiah, takthoh hiah, thethoh hiah ahiah khek ahiahchiang in Laisiangthou toh ahiah kithuahlouhna point lianpi 2gelh in.
  - i) \_\_\_\_\_
  - ii) \_\_\_\_\_

11. Thukhun Thak a baptisma tuh tui zat ahih dan genna Laisiangthou tang nih pia in.

i) \_\_\_\_\_

ii) \_\_\_\_\_

12. Laisiangthou gen bang in baptisma tangte a kituiphum ngei na uh chih kua tung ah i mu a? Laisiangthou tang gelh in. \_\_\_\_\_

13. Baptisma na tang dikloute adia tan thak nawn (bawldik) theih ahih dan kuate tung ah ah i mu a? A tuanna Laisiangthou tang toh gelh in.

\_\_\_\_\_  
\_\_\_\_\_

14. Baptisma tan a poimohna, aziak 6 gen in.

i) \_\_\_\_\_

ii) \_\_\_\_\_

iii) \_\_\_\_\_

iv) \_\_\_\_\_

v) \_\_\_\_\_

vi) \_\_\_\_\_

15. Kuate ahia baptisma tangsak thei?

\_\_\_\_\_  
\_\_\_\_\_

16. Numeite'n baptisma a tangsak thei ding uam?

\_\_\_\_\_  
\_\_\_\_\_

17. Ginna leh baptisma koi poimoh zaw ahia? Bangziakin? Koi Laisiangthou tang ah?

\_\_\_\_\_  
\_\_\_\_\_

18. Anuai a mun-awngte hih dim in.

“Abang-abang hitaleh a hon \_\_\_\_\_ ua \_\_\_\_\_ ahilh ziaak  
un a hon \_\_\_\_\_ utuh \_\_\_\_\_ lel ahi chih gelh bang in.  
\_\_\_\_\_ thupiakte \_\_\_\_\_ in, mihing \_\_\_\_\_ na  
\_\_\_\_\_ ua eive, achi a” (Marka 7:6-8).